


樂府詩集

第二冊

中國古典文學基本叢書



樂府詩集卷第二十

鼓吹曲辭五

齊隨王鼓吹曲

謝朓

齊永明八年，謝朓奉鎮西隨王教於荊州道中作：一曰《元會曲》，二曰《郊祀曲》，三曰《鈞天曲》，四曰《入朝曲》，五曰《出藩曲》，六曰《校獵曲》，七曰《從戎曲》，八曰《送遠曲》，九曰《登山曲》，十曰《泛水曲》。《鈞天》已上三曲，頌帝功，《校獵》已上三曲，頌藩德。

元會曲

二儀啓昌曆，三陽一作朝應慶期。珪贄紛成序，鞞譯憬來思。分階絕組練，充庭羅翠旗。觴流白日下，吹《謠》〔溢〕景雲滋。○天儀穆藻殿，萬宇壽一作慶皇基。

○〔謠〕〔溢〕據《詩紀》卷五八改。

郊祀曲

六宗裡祀岳，五時奠甘泉。整蹕游九闕，清簫開八壎。鏘鏘玉鑾動，溶溶金陣旋。○郊宮光已屬音注，升柴禮既虔。福響靈之集，南岳固斯年。

○陣：《百三名家集》作「障」。

鈞天曲

《史記》曰：「趙簡子疾，五日不知人。居二日半。簡子寤，語大夫曰：『我之帝所甚樂，與百神遊于鈞天，廣樂九奏萬舞。』」鈞天之名，蓋取諸此。

高宴浩天臺，置酒迎風觀。笙鏞禮百神，鍾石動雲漢。瑤臺一作堂琴一作寶瑟驚，綺席舞衣散。威鳳來參差，玄鶴起一作去流。《凌》亂。○已慶明庭樂，詎慚南風彈。○

○起（流）《凌》亂：《謝宣城詩集》卷二作「至凌亂」。○詎慚：同上作「誰想」。

入朝曲

江南佳麗地，金陵帝王州。逶迤帶綠水，迢遞起朱樓。飛臺夾馳道，垂楊蔭御溝。凝笳翼高蓋，疊鼓送華輜。獻納雲臺表，功名良可收。

出藩曲

雲披紫微內，分組承明阿。飛艗游一作遡極浦，旌節去關河。眇眇蒼山色，沉沉遠一作寒水波。鐃音巴渝曲，簫管盛唐歌。○夫君邁遺德，○江漢仰清和。

○管：《詩紀》作「鼓」。○遺：同上作「惟」。

校獵曲

凝霜冬十月，殺盛涼颼哀。一作開原澤曠千里，騰騎紛一作絡往來。平望望烟合，烈火從風迴。

殢獸華容浦，張樂荆山臺。虞人昔有諭，明明時戒哉。

從戎曲

選旅〔亂〕〔辭〕輟輟，○弭節赴一作趨河源。日起霜戈照，風迴連騎翻。紅塵朝夜合，黃〔河〕〔沙〕萬里昏。○寥戾清笳轉，蕭條邊馬煩。自勉輟耕願，征役去何言。

○〔亂〕〔辭〕，據《詩紀》改。○〔河〕〔沙〕，據同上改。

送遠曲

北梁辭歡宴，南浦送佳人。方衢控龍馬，平路騁朱輪。瓊筵妙舞絕，桂席羽觴陳。白雲丘陵遠，山川時未因。一爲清吹激，潺湲傷別巾。○

○巾，《藝文》卷四二作「神」。

登山曲

天明開秀嶠，瀾光媚碧堤。風盪飄鶯〔辭〕〔亂〕一作翻鶯行，○雲〔華〕〔行〕一作飛行芳樹低。○暮春春服美，游駕凌一作躡丹一作石梯。升嶠既小魯，登巒且悵齊。王孫尚游衍，蕙草正萋萋。

○〔辭〕〔亂〕，據《詩紀》改。○〔華〕〔行〕，據同上改。

泛水曲

玉露一作霜霑翠葉，金風鳴素枝。罷遊平樂苑，泛鷁昆明池。旌一作羽旗散容裔，簫管一作鼓吹參差。日晚厭遵渚，採菱贈清漪。百年如流水，寸心寧共知。

齊鼓吹曲

入朝曲○

唐·李白

金陵控海浦，綠水帶吳京。○鑢歌列騎吹，颯沓引公卿。槌鍾速嚴妝，伐鼓啓重城。天子憑玉案，③劍履若雲行。日出照萬戶，簪裾爛明星。④朝罷沐浴閒，遨遊閬風亭。濟濟雙闕下，歡娛樂恩榮。

○入朝曲：蕭本《李太白詩》卷五作《鼓吹入朝曲》。○綠水：同上作「淥水」。○玉案：同上作「玉几」。④簪裾：同上作「簪裾」。

送遠曲

張籍

戲馬臺南山簇簇，山邊飲酒歌別曲。行人醉後起登車，席上回樽勸僮僕。青天漫漫覆長路，遠遊無家安得住。願君到處自題名，他日知君從此去。

泛水曲

王建

載酒入烟浦，方舟泛綠波。子酌我復飲，子飲我還歌。蓮深微路通，峰曲幽氣多。閱芳無留瞬，弄桂不停柯。水上秋月鮮，西山碧峨峨。茲歡良可貴，誰復更來過。

梁鼓吹曲

梁·沈約

《隋書·樂志》曰：「梁高祖制鼓吹新歌十二曲：一曰《木紀謝》，二曰《賢首山》，三曰《桐柏山》，四曰《道亡》，五曰《忱威》，六曰《漢東流》，七曰《鶴樓峻》，八曰《昏主恣淫》。」

慝，九曰《石首局》，十曰《期運集》，十一曰《於穆》，十二曰《惟大梁》。」

木紀謝

《隋書·樂志》曰：「漢第一曲《朱鷺》，改爲《木紀謝》，言齊謝梁升也。」

木紀謝，火一作炎運昌。炳南陸，耀炎光。民去癸，鼎歸梁。鮫魚出，慶雲翔。轡五帝，軼三王。德無外，化溥將。仁蕩蕩，義湯湯。浸金石，達昊蒼。橫四海，被八荒。舞千戚，垂衣裳。對天眷，坐巖廊。胤有錫，祚無疆。風教遠，禮容盛。感人神，宣舞詠。降繁祉，延嘉慶。

賢首山

《隋書·樂志》曰：「漢第二曲《思悲翁》，改爲《賢首山》，言武帝破魏軍於司部，肇王迹也。」

賢首山，險而峻。乘峴憑，臨胡陣。騁奇謀一作謨，奮卒徒。斷白馬，塞飛狐。殪日逐，殲骨都。刃谷蠡，馘林胡。草既潤，原亦塗。輪無反，幕有烏。掃殘孽，震戎逋。揚凱奏，展歡酺。詠《秋杜》，旋京吳。

桐柏山

《隋書·樂志》曰：「漢第三曲《艾如張》，改爲《桐柏山》，言武帝牧司，王業彌章也。」桐柏山，淮之首。肇基帝迹，遂光區有。大震邊闕，殲殪醜。農既勸，民惟阜。穗充庭，稼

盈畝。迨嘉辰，薦芳糗。納寒場，爲春酒。昭景福，介眉壽。天斯長，地斯久。化無極，功無朽。

○大：《藝文》卷四「無大」字。

道亡

《隋書·樂志》曰：「漢第四曲《上之回》，改爲《道亡》，言東昏喪道，義師起樊、鄧也。」
道亡數極歸永元，悠悠兆庶盡含冤。沈河莫極皆無安，赴海誰授矯龍翰。自樊漢，仙波流水清且瀾，救此倒懸拯塗炭。誓師劉旅赫靈斷，率茲八百驅十亂。登我聖明由多難，○長夜杳冥忽云旦。

○由：《詩紀》卷九六作「去」。

忱威

《隋書·樂志》曰：「漢第五曲《擁離》，改爲《忱威》，言破加湖，元勳建也。」
忱威授律命蒼（光）〔兕〕一作鬼，○言薄加湖灌秋水。迴瀾瀾（泊）〔汨〕泛增雉，○爭河投岸掬盈指。犯刃嬰戈洞流矢，資此威一作盛烈齊文軌。

○忱：《藝文》卷四「作抗」。○（光）〔兕〕：據《詩紀》卷九六改。○（泊）〔汨〕：據同上改。

漢東流

《隋書·樂志》曰：「漢第六曲《戰城南》，改爲《漢東流》，言義師克魯山城也。」
漢東流，江之汭。逆徒蜂聚，旌旗紛蔽。仰震威靈，乘高騁銳。至仁解網，窮鳥入懷。因此

龍躍，言登泰階。

鶴樓峻

《晉書·樂志》曰：「漢第七曲《巫山高》，改爲《鶴樓峻》，言平郢城，兵威無敵也。」
鶴樓峻，連翠微。因巖設險池永歸，唇亡齒懼薄言震。耀靈威，凶衆稽顙，天不能違。金湯無所用，功烈長巍巍。

昏主恣淫慝

《隋書·樂志》曰：「漢第八曲《上陵》，改爲《昏主恣淫慝》，言東昏政亂，武帝起義，平九江、姑熟，大破朱雀，伐罪弔民也。」

昏主恣淫慝，皆曰自昌盛。上仁矜億兆，誓師爲請命。既齊丹浦戰，又符甲子辰。龕難伐有罪，伐罪弔斯民。悠悠萬姓，於此覩陽春。

○ 萬姓：《藝文》卷四二作「萬姓民」。

石首局

《隋書·樂志》曰：「漢第九曲《將進酒》，改爲《石首局》，言義師平京城，仍廢昏定大事也。」

石首局，北墉墦。新堞嚴，東壘峻。共表裏，遙相鎮。矢未飛，鼓方振。競銜璧，並輿櫬。酒池擾，象廊震。同伐謀，兼善陳。闢應和，掃煨燼。翦庶惡，靡餘胤。

期運集

《隋書·樂志》曰：「漢第十曲《有所思》，改爲《期運集》，言武帝膺錄受禪，德盛化遠也。」

期運集，惟皇膺一作應寶符。龍躍清漢渚，鳳起方一作南城隅。謳歌共適夏，獄訟兩違朱。二儀啓佳一作嘉祚，千載猶旦暮。舞蹈流帝功，金玉一作石昭王度。

於穆

《隋書·樂志》曰：「漢第十一曲《芳樹》，改爲《於穆》，言大梁闡運，君臣和樂，休祚方遠也。」

於穆君臣，君臣和以肅。闕王道，定天保，樂均靈囿，宴同在鎬。前庭一作庭前懸鼓鐘，左右列笙鏞。纓佩俯仰，有則備禮容。翔振鷺，騁羣龍。隆周何足擬，遠與唐比蹤。

惟大梁

《隋書·樂志》曰：「漢第十二曲《上邪》，改爲《惟大梁》，言梁德廣運，仁化洽也。」

惟大梁開運，受錄膺一作應圖。君八極一作天冠八極，冠帶被五都一本無冠字。四海並和會，排（開）疑塞無異塗。○

○排（開）「闕」：據毛刻本改。疑塞，當作「欸塞」。

隋凱樂歌辭

述帝德

於穆我后，睿哲欽明。膺天之命，載育羣生。開元創曆，邁德垂聲。朝宗萬宇，祇事百靈。煥乎皇道，昭哉帝則。惠政滂流，仁風四塞。淮海未賓，江湖背德。運籌必勝，濯征斯克。八荒霧卷，四表雲褰。雄圖盛略，邁後光前。寰區已泰，福祚方延。長歌凱樂，天子萬年。

述諸軍用命

帝德遠覃，天維宏布。功高雲天，聲隆韶濩。惟彼海隅，未從王度。皇赫斯怒，元戎啓路。桓桓猛將，起赴英謨。攻如燎髮，戰似摧枯。救茲塗炭，克彼妖逋。塵清兩越，氣靜三吳。鯨鯢已夷，封疆載闢。班馬蕭蕭，歸旌奕奕。雲臺表効，司勳紀績。業並山河，道固金石。

述天下太平

阪泉軒德，丹浦堯勳。始實以武，終乃以文。嘉樂聖主，大哉爲君。出師命將，廓定重氛。書軌既并，干戈是戢。弘風設教，政成人立。禮樂聿興，衣裳載緝。風雲自美，嘉祥爰集。皇皇聖政，穆穆神猷。牢籠虞夏，度越姬劉。日月比耀，天地同休。永清四海，長帝九州。

唐凱樂歌辭

《唐書·樂志》曰：「唐制，凡命將出征，有大功獻俘馘，其凱樂用饒吹二部，樂器有笛、篳篥、簫、笳、鐃、鼓七種，迭奏《破陣樂》等四曲：一《破陣樂》，二《應聖期》，三《賀聖歡》，四《君臣同慶樂》。初，太宗平東都，破宋金剛，其後蘇定方執賀魯，李勣平高

麗，皆備軍容凱歌以入。而貞觀、顯慶、開元禮並無儀注。太常舊有《破陣樂》、《應聖期》兩曲歌辭，至太和三年始具儀注，又補撰二曲爲四曲云。

破陣樂

受律辭元首，相將討叛臣。咸歌《破陣樂》，共賞太平人。

應聖期

聖德期昌運，雍熙萬宇清。乾坤資化育，海嶽共休明。闢土欣耕稼，銷戈遂偃兵。殊方歌帝澤，執贄賀昇平。

賀聖歡

四海皇風被，千年德水清。戎衣更不著，今日告功成。

君臣同慶樂

主聖開昌曆，臣忠奉大猷。君看偃革後，便是太平秋。

○ 奉：《舊唐書》作「奏」。

唐凱歌六首

唐·岑參

岑參《送封大夫出師西征序》曰：「天寶中，匈奴、回紇寇邊，踰花門，略金山，烟塵相連，侵軼海濱。天子於是授鉞常清，出師征之。及破播仙，奏捷獻凱，參乃作凱歌」云。按《唐書·封常清傳》曰：「開元末，達奚背叛，自黑山北向，西趣碎葉。其後常

清破賊有功。天寶六年，又從高仙芝破小勃律。」不言播仙，疑史之闕文也。

漢將承恩西破戎，捷書先奏未央宮。天子預開麟閣待，祇今誰數貳師功。

官軍西出過樓蘭，營幕傍臨月窟寒。蒲海曉霜凝劍尾，○葱山夜雪撲旌竿。

鳴笳擗鼓擁回軍，○破國平蕃昔未聞。大夫鵠印搖邊月，天將龍旗掣海雲。○

日落轅門鼓角鳴，千羣面縛出蕃城。洗兵魚海雲迎陣，秣馬龍堆月照營。

蕃軍遙見漢家營，滿谷連山遍哭聲。萬箭千刀一夜殺，平明流血浸空城。

暮雨旌旗濕未乾，胡塵白草日光寒。○昨夜將軍連曉戰，蕃軍只見馬空鞍。

○劍：《全唐詩》卷一七注：「集作馬。」○播：同上注：「集作疊。」○天：同上注：「集作大。」○塵：同上注：「集作煙。」

唐鼓吹鐃歌

柳宗元

唐鼓吹鐃歌十二曲，柳宗元作以紀高祖、太宗功德及征伐勤勞之事：一曰《晉陽武》，二曰《獸之窮》，三曰《戰武牢》，四曰《涇水黃》，五曰《奔鯨沛》，六曰《苞枿》，七曰《河右平》，八曰《鐵山碎》，九曰《靖本邦》，十曰《吐谷渾》，十一曰《高昌》，十二曰《東蠻》。按此諸曲，史書不載，疑宗元私作而未嘗奏，或雖奏而未嘗用，故不被於歌，如何承天之造宋曲云。

晉陽武

《晉陽武》，言隋亂既極，唐師起晉陽，平姦豪，爲生人義主，以仁興武也。第一。

晉陽武，奮義威。煬之淪，德焉歸。氓畢屠，緩者誰。皇烈烈，專天機。號以仁，揚其旗。日之昇，九土晞。斥田圻，流洪輝。有其二，翼餘隋。斲鼻驚，連熊螭。枯以肉，勅者羸。后土蕩，玄穹彌。合之育，莽然施。惟德輔，慶無期。

《晉陽武》二十六句，句三字。

獸之窮

《獸之窮》，言李密自邙山之敗，其下皆貳。霸王之業，知天授在唐，遂歸於有道，享我爵命也。第二。

獸之窮，奔大麓。天厚黃德，狙獷服。甲之橐弓，弭矢箛。皇旅靖，敵逾蹙。自亡其徒，匪予戮。屈賢猛，虔慄慄。縻以尺組，噉以秩。黎之陽，土茫茫。富兵戎，盈倉箱。乏者德，莫能享。驅豺兕，授我疆。

《獸之窮》三十一句，其十九句句三字，三句句四字。

戰武牢

《戰武牢》，言太宗師討王充，竇建德助逆，師奮擊武牢，下擒之，遂降充也。第三。

戰武牢，動河朔。逆之助，圖掎角。怒轂靡，抗喬嶽。翹萌芽，傲霜雹。王謀內定，申掌握。鋪施芟夷，二主縛。憚華戎，廓封略。命之薈，卑以斲。歸有德，唯先覺。

《戰武牢》十八句，其十六句句三字，二句句四字。

涇水黃

《涇水黃》，言薛舉據涇以死，其子仁果尤勇以暴，師平之也。第四。

涇水黃，隴野茫。負太白，騰天狼。有鳥鷲立，羽翼張。鉤喙決前，鉅一作距趯傍。怒飛飢嘯，翮不可當。老雄死，子復良。巢岐飲渭，肆翱翔。頓地紘，提天綱。列缺掉幟，招搖耀鉞。鬼神來助，夢嘉祥。腦塗原野，魄飛揚。星辰復，恢一方。

《涇水黃》二十四句，其十五句句三字，九句句四字。

奔鯨沛

《奔鯨沛》，言輔氏憑江淮，竟東海，命將平之也。第五。

奔鯨沛，盪海垠。吐霓翳日，腥浮雲。帝怒下顧，哀墊昏。授以神柄，推元臣。手援天矛，截修鱗。披攘蒙霧，開海門。地平水靜，浮天根。羲和顯耀，乘清氛。赫炎溥暢，融大鈞。

《奔鯨沛》十八句，其十句句三字，八句句四字。

苞枿

《苞枿》，言梁之餘，保荆、衡、巴、巫，窮南越，良將取之，不以師也。第六。

苞枿黠矣，惟根之蟠。彌巴蔽荆，負南極以安。曰我舊梁氏，緝綏艱難。江漢之阻，都邑固以完。聖人作，神武用。有臣勇智，奮不以衆。投跡死地，謀猷縱。化敵爲家，慮則中。浩

浩海裔，不威而同。係縲降王，定厥功。澶漫萬里，宣唐風。蠻夷九譯，咸來從。凱旋金奏，象形容。震撼萬國，罔不龔。

《苞枿》二十八句，其十六句句四字，三句句五字，九句句三字。

河右平

《河右平》，言李軌保河右，師臨之不克變，或執以降也。第七。

河右澶漫，頑爲之魁。王師如雷震，崑崙以頽。上聳下聰，驚不可迴。助讎抗有德，惟人之災。乃潰乃奮，執縛歸厥命。萬室蒙其仁，一夫則病。濡以鴻澤，皇之聖。威畏德懷，功以定。順之于理，物咸遂厥性。

《河右平》十八句，其十一句句四字，五句句五字，二句句三字。

鐵山碎

《鐵山碎》，言突厥之大，古夷狄莫強焉。師大破之，降其國，告于廟也。第八。

鐵山碎，大漠舒。二虜勁，連穹廬。背北海，專坤隅。歲來侵邊，或傳于都。天子命元帥，奮其雄圖。破定襄，降魁渠。窮竟窟宅，斥余吾。百蠻破膽，邊氓蘇。威武輝耀，明鬼區。利澤彌萬祀，功不可踰。官臣拜首，○惟帝之謨。

《鐵山碎》二十二句，其十一句句三字，九句句四字，二句句五字。

○首：《全唐詩》卷一七作「手」。

靖本邦

《靖本邦》，言劉武周敗裴寂，咸有晉地，太宗滅之也。第九。

本邦伊晉，惟時不靖。根柢之搖，枝葉攸病。守臣不任，勦于神聖。惟越之興，○翦焉則定。洪惟我理，式和以敬。羣頑既夷，庶績咸正。皇謨載大，惟人之慶。

《靖本邦》十四句，句四字。

○越：《全唐詩》卷一七作「鉞」。

吐谷渾

《吐谷渾》，言李靖滅吐谷渾於西海上也。第十。

吐谷渾盛強，背四海以夸。歲侵擾我疆，退匿險且遐。帝謂神武師，往征靖皇家。烈烈旆其旗，熊虎雜龍蛇。王旅千萬人，銜枚默無譁。束刃踰山徼，張翼縱漠沙。一舉刈羶腥，尸骸積如麻。除惡務本根，況敢遺萌芽。洋洋西海水，威命窮天涯。係虜來王都，犒樂窮休嘉。登高望還師，竟野如春華。行者靡不歸，親戚歡要遮。凱旋獻清廟，萬國思無邪。

《吐谷渾》二十六句，句五字。

高昌

《高昌》，言李靖滅高昌也。第十一。

麴氏雄西北，別絕臣外區。既恃遠且險，縱傲不我虞。烈烈王者師，熊螭以爲徒。龍旂翻

海浪，駟騎馳坤隅。賁育搏嬰兒，一掃不復餘。平沙際天極，但見黃雲驅。臣靖執長纓，智勇伏囚拘。文皇南面坐，夷狄千羣趨。咸稱天子神，往古不得俱。獻號天可汗，以覆我國都。兵戎不交害，各保性與軀。

《高昌》二十二句，句五字。

東蠻

《東蠻》，言既克東蠻，羣臣請圖蠻夷狀，如《周書·王會》也。第十二。

東蠻有謝氏，冠帶理海中。自言我異世，雖聖莫能通。王卒如飛翰，鵬騫駭羣龍。轟然自天墜，乃信神武功。繫虜君臣人，累累來自東。無思不服從，唐業如山崇。百辟拜稽首，咸願圖形容。如周《王會》書，永永傳無窮。睢盱萬狀乖，咿嘔九譯重。廣輪撫四海，浩浩知皇風。歌詩鑄鼓間，以壯我元戎。

《東蠻》二十二句，句五字。